

四庫全書

集部

欽定四庫全書

集部

可齋續稿後卷十

詳校官庶吉士臣吳烜

主事臣呂雲棟覆勘

總校官庶吉士臣倉聖脉

校對官學正臣湯垣

謄錄監生臣萬朝宗

欽定四庫全書

可齋續藁後卷十

宋 李曾伯 撰

詩

月峽城樓偶作

雲幕前溪洞煙荒
隔岸城秋旗雜
山色曉角帶江聲
駐騎須邊靜
維舟待峽平
掀髯聊徙倚
一雁楚天橫

月峽重九感懷

甲寅

落帽尋盟鬢久皤
今朝於此上嵯峨
雲收谷淨山新霽

風定沙平水不波對菊使人懷古爾思尊如我感時何
明年把酒知何處歸到東籬更莫它

登塵表

乙卯上元

領畧東風一倚闌凭高便覺小塵寰目窮千古關河外
身在半空煙靄間二水護城青映帶四山連野翠回環
英雄易老愁無極境是人非鶴自還

自和

百尺城頭著畫闌當年氣欲壓人寰天機野馬浮游外

世事沙鷗浩蕩間，俗靡風頹疇底柱。
功成身退盍循環，君看方冊中前鑒。
辦取輕帆及早還。

再和

最高樓上又層闌，目短元龍空海寰。
棟宇地雄千嶂表，金湯天設兩江間。
西風障面曾籌檄，夜月胡床憶佩環。
老去憑虛心輒悻，蜀城雖好不如還。

首夏而有秋意

纔過清和候，淒然感旅懷。
新蛩吟古砌，落葉滿前階。

葛葉

夏落榴火春仍駐槐屯午自佳憑詩記風土歸以語朋儕

秋日登樓眺望

徙倚上危梯雲空望眼迷雁聲秋信北鷓背夕陽西岸
遠舟逾小水高山陡低家鄉天際是何日賦歸兮

送管季衡赴省

酌君以江南臘釀之酒祝君以古戎秋芳之蘭餞君以
慈恩千佛之筆贈君以洪鑪九轉之丹酒呼美祿壯行
色蘭取賸馥香人寰筆將披腹寫今古丹可換骨超僊

凡霜晴水瘦過灩澦春和花發登長安妙齡翰墨富摘
藻肯堂源委從魏冠珊瑚文采世所貴玉樹瀟灑人爭
看出門西笑著鞭去卻林許我高枝攀湘靈詩成看神
助論秦賦漢從容問大對堯塔丹地前細陳蜀道青天
難已然迺往證屢惡方來未艾憂多端當思頭目我吳
楚固忽腹背皆夷蠻粒珠束桂楮爛賤魚頰難赭嗟維
艱馬老伏櫪筋力盡劍新出匣鋒銜寒維國大寶一箇
信維民司命一分寬挽回線脈冀天鑒生意庶可岷峨

還直須建策邁晁董無愧名第聯歐韓臚傳可卜慶雲
見會見喜色盈天顏宮袍新賜鶡弁弃畫錦歸博庭闈
歡鄉閭相賀寶坊又一瑞益使天下欽相山

重慶閩治十詠

華明堂

要識披圖際還同枉駕時未應成否論漢德有興衰

尊安堂

堯舜君民學吾儒共講磨一毫如有愧其若此堂何

一廡堂

九重懷井絡一字侈奎章來者思永蘖其毋頃刻志

集思堂

先以一誠格斯能衆正招要米堂下葭勿狗帳中超

生意堂

碩果食難盡其機運不停岷峨幾霜雪依舊草青青

龍虎屏

不逐風雲去盍求山澤安祇憐當筆者空作畫屏看

友石

卓爾有所立儼然即之温他疑攻玉異交誼斷金存

吟嘯

坐却并州騎行思楚澤漁斯亭着斯客斯意竟何如

橫舟

不早浮槎去焉能罔水行叩舷誰共語載不盡高情

六角亭

四維風折勢一片雪同規花竹叢間着開樽淪茗宜

枕上偶成

官轍驅馳徧四郊，老來於此尚投膠。
綢繆先事心為碎，展轉中宵睫不交。
貪鼠驅無容出穴，驚鳥疑恐弗安巢。
燈殘衾薄新寒力，聽徹更籌五五敲。

思歸偶成

春來便擬問歸津，轉眼江流若許深。
六十歲翁窮塞客，八千里路故鄉心。
鶻啼月樹添征思，鵲語風簷悞好音。
只有雲山遮不斷，夢隨蝴蝶過家林。

又

杜鵑一自聽天津南北紛紛患轉深
備謹徹桑征戍事憂形恤緯老臣心
驚聞邊信多蠻語喜動鄉情帶楚音
若得君王放歸去便陪蓮社訪東林

題宜興菴壁

五言三首

禪榻一覺睡冬宵五更長
窓遞清風入枕邊松柏香
秋盡菊都荒蜂猶採蜜忙
何如龜縮殼此際已深藏
拂石坐小橋臨流俯清泚
松聲與禽聲可以醒吾耳

自湘赴廣道間雜詠

永州曉行

推枕月微明登車纔五更啼破千山暝枝禽三兩聲

李花

昨夜孤村宿春深入寂寥庭前一株李為我縞中宵

飛燕

瞥見誰家燕纔驚社日臨落花移種否喚起故園心

蘭花

行盡離騷國春深未見蘭容非隱君子甘老蕨薇間

山樊

不見花開處香浮七里村試從風外覓端是有山樊

古木

古木列官道春風老幹柯炎涼知幾變來往閱人多

湘竹

紋竹起嬪虞因懷二女居君淚夫人淚思歎抑怨歎

蟠松

紅紫競芳叢中蟠一古松春風自來去吹不動蒼龍

桃李

仙李明炫夜天桃艷當春便將花作主聘與玉為人

全州道間

六言

竹裏幾椽茅屋門前一樹桃花布袖蒿簪笑語鷄豚社

酒山家

蒼柏高題儀鳳橋梁橫卧長虹十里江山福地滿城桃

李春風

林塢禽鳴高樹溪橋人立危欄芳草鋪平綠野白雲界
破青山

過黃州和共山高寒韻

七言

千古江山一覽間老瞞於此膽曾寒
凭高要起乘風志肯把閑情作鴨欄

登壽沙樓和抑齋韻

黃葉滿林霜尚輕蓼花披岸水猶生
坐邀一段瀟湘勝元出鈞陶手作成

白鷺洲邊多古寺翠微陰裏盡人煙當時曾對掀髯笑
今問老龍何處眠

江湖已老猶為吏心境俱清即是仙聊挹層巒薦湘菊
一時人在小壺天

雪夜不寐偶成

底事陽和尚未回書雲已久未逢梅忽然風遞清香至
花在誰家園裏開

窗外風聲又雪聲初更展轉到三更枕邊自作推敲態

吟得詩成夢亦成

洪雲巖有和謝之

春近衡峯雁又回
老懷休憶故山梅
花期自是江南早
早晚湘南也解開

聽徹虛簷蔌蔌聲
鐵衣冰骨記深更
如今休憶鵝池路
縱竭龍鍾做不成

夜坐用韻簡劉朔齋洪雲巖

一線春從地脈回
工夫先是到江梅
雪邊竟覺丰標別

曾向玉堂堂上開

風撼松梢夜作聲
月昏水淺歲將更
江頭不用嫌淒冷
滕六分明玉汝成

用韻答紙衾簡雲巖

骨胎盡出先生楮
醉夢常宜處士梅
席上雪鋪使我寢
帳中風動任渠開

歌枕猶存舒卷聲
覆寒時與寢衣更
價廉功倍人人燠
一幅春風造化成

又用韻簡朔齋

霜透青稜暖弗回
冰侵鶴骨瘦於梅
床頭幸有溪藤製
喚起家僮亟展開

僮擁蒲穰不作聲
起來城上已殘更
卷衾還却披衣出
此際如何睡得成

又和答雲巖

翠箔香銷曉夢回
鷺殘樓角動寒梅
夜來頗覺風霜薄
問訊南枝開未開

水柱劉義素有聲詩筒毋惜僕頻更鴛鴦瓦上猶留伴
一霎南風又釀成

湘潭道間農家

三兩人家松柏林翁垂霜髮媪釵荆兒耕婦織輸官了
山茗村醪樂此生

竹外流泉遶屋鳴田頭有水不憂晴春來豈問芳菲事
只辦犁鋤要早耕

登嶽寺悅亭

十年兩度看山來
雲瑣融峯特地開
辦取籃輿窮勝處
南邊無事嶺頭回

禹柏

奕奕衡山禹甸之功成
手植萬年枝蒼然柯派孤根出
如見九州疏濬時

星嶽鍾為一木奇
霜皮剝落類駢胝
生從泮水初平日
閱盡青山無老時

衡陽道間

滿林松竹翠交加
路過衡陽得幾家
門傍粉牆人寂寂
一陂春水數株花

聽徹山鷄喚雨聲
東風未肯放新晴
行人莫嘆泥塗苦
且幸田家得水耕

風著征裘怯晚寒
一番春事在征鞍
羞聽後騎鳴笳鼓
贏得兒童夾道看

賦新茶

建嶺人誇第一綱
湘中熟後已先嘗
雖然聲價殊官焙

反覺山家氣味長

賦廬山 五言

地據九江滙天教五老看孤標橫碧落百里見青巖星
斗光堪摘烟霞秀可餐何時謝人事膏秣以從盤

過小孤

孤立江淮地中分南北天洪流衝巨塊對峙東平川屹
若壁千仞遠之螺一拳誰將牛女比斯事豈其然

阻風池州界

擬以風斯下胡然日在茲一頭聊且避八面欲何施
坎有險如此需於沙待之姑陪鵬力厚萬里看南為

望九華

猶記午橋邊曾吟太華蓮浮生春夢耳山色故人然翠
滴層巒雨青橫一抹煙何時身此境濯我以清泉

行銅陵道

夜報風姨息曉乘波后平江涵一鏡淨山列兩眉橫依
約燃犀處分明倒蔗生徐行戒舟子勿使白鷗驚

道間苦熱

火傘漾中流炎風撼葉舟熱幾堪炙手矮莫可擡頭晝
困杯為却宵蚊扇不休清涼一榻地得此足優游

宿宜興禪房

冬當月初後天欲試霜時永夜絕人語新寒聽雁知壯
心憂國在老計入山宜莫作邯鄲夢蕭蕭鬢已絲

送子倅當塗

久歷家庭役今欣羽翼成此行為別駕平步可顯城常

整韋絃佩要持冰檠聲山林佚吾老有子足光榮

挽蹇都官

風槩推諸老霜臺偉壯游握蘭宜入從剖竹乃為州
早為庭闈佚晚猶鄉國憂甘棠遺笏在袞袞有公侯

傾蓋荆川日揚旌蘭澧時相為王事慮猶以歲寒期筆
寄嗟麟絕言忠勿駟追典型今已矣老淚不勝悲

淡滄陳校勘以詩藁求序答之

古靈之後

挺秀古靈基來為學子師壯心存遠業餘力付新詩潤

步雲霄了細吟風月宜老來無軟語敢以此相期

先生杖屨所童子釣游曾遺我奇哉作非吾耄矣能柳
凋懷故老梅小類新朋喚醒黃梁夢書幃二尺燈

丁巳到宜興墳庵

歸來閑未久老去役何堪未遠蜀天北又之湘水南奔
馳緣未足辛苦分當甘徒羨林泉適長年任住庵

和晦庵先生定王臺韻

前王千載後奕代幾人來漢事一坏土湘祠數仞臺山

容青拱揖樹影綠周迴客有登臨者猶存陟岵哀

送子倅宜春

已佐當塗郡春臺再往臨勿言官是贅常以國為心勉
勉思全璧頻頻寄抵金史君天下士凜雪奉規箴

愛子喜能仕戀親猶欲留肯堂斯室就不稼昌禾收持
此一廡往緙然千里游彼邦存學記熟復勿貽羞

登壽沙和抑齋韻

境占祝融勝鎮從盤古來車航一都會鼎鼐幾樓臺遠

水便鷗狎前峯約雁回當思牧民意保養甚於胎

跋衡山曾尉持示秀溪翰墨

故人木已拱妙墨尚春溫三復家庭語一如樽酒論竹
林毋負籍蘭砌要追元寶此猶圭璧流芳在後昆

行湘潭道

古驛湘潭道人家松竹林山連梅外遠春入柳邊深征
騎雖欣霽耕犁久望陰貂裘嗟已敝猶怯老寒侵

宿梅下

春事已十一梅花纔兩三青煙回野燒翠靄護晴嵐風
暖雁將北日遲人漸南病餘宜緩轡勿用客程貪

宿千坵市曉行

夜宿三家市晨征十里程竹輿衝霧去草屐帶霜行無
犬花村吠有雞茅店鳴湖南真樂土鄰杵莫相驚

宿中洞

松老傲前嶺梅疎卧淺溪避風巢上鵲喚雨竹間雞野
迥夕猶牧田乾春未犂路迢人倦甚只向近林棲

宿嶽市

登陟天猶暝，棲回日已西。
形軀一萍梗，襟袖半塵泥。
夾道松成徑，誰家花滿溪。
定臺凝望遠，煙草正萋萋。

過衡陽晚宿

雨後春寒冽，山前夕照斜。
身猶尋壘燕，聲雜宿林鴉。
過嶺尚千里，隔村能幾家。
毋嫌茅店惡，窗下有梅花。

將到永州宿村舍

野宿孤村迥，山行十里荒。
攢眠衰草壤，馬踏落梅香。
入

眼春晴薄打頭風勢揚莫嗟登陟苦明日看瀟湘

過永州道間

雨欠農憂燥風多客苦埃猶寒鶯未出將社燕還來桃
放紅凝臉梅飄粉褪腮春山如舊識一笑病顏開

永州城南一士夫家可愛

二水城南路誰人處士家不為軒冕累盡洗市廛華庭
立竹千箇牆留梅數花吾廬歸未得對此重咨嗟

道間紀事

漸遠零陵道前瞻驛尚賒路傍多古木村外少人家礙
眼雲遮岫薄情風落花堪憐艷陽月泊泊走塵沙

自和

旅頓飯足飽村帘酒莫賒暮齡嗟客路春事屬山家蕨
長竹將笋梅殘李始花問翁何處去嶺外有煙沙

入清湘界

漸近湘山境土風清且饒林巒接墟市水竹帶溪橋焙
出新茶煮帘垂老酒招春和民氣樂樂日是花朝

和清湘驛頤齋韻

天與粵相接嶺繇秦始開隔林禽散亂尋壘燕驚猜芳
草春無盡長亭人幾來山川作時雨萬里洗煙埃

過興安塔寺僧以先世詩來偶賦

嶺石水分脊湖南山盡頭屢聲通海遠塔影挿天浮香
接寶坊界星聯銅柱州祖孫凡幾到亦是宿緣不

入興安界

路入興安境風光異昔年山川雖好在井邑頓淒然雨

打半頽屋煙荒未闢田起丁征糴急官府為防邊

過靈川縣

去去靈川境晴嵐帶暮煙檳榔新滿市榕樹老參天
春委工於水犁資手以佃淒涼海天角何事羽書傳

已酉六月阻水於宜春道間楓樹

客有錄示者

去國二千里離家五十程炎歊無計避憂患以身更誤
矣駢驚句傷哉舐犢情何時拂衣去藜藿保餘生

挽史魯公

經濟由身致安危注意深威名振華夏歲月付山林世
望一老在天胡二豎侵蓋棺公論定不泯是人心

自出權衡下當從履屐間舊游今歷落往事幾危艱紀
德哀辭痛酬知老淚潛哲人今已矣魂夢遶鄞山

過江陵寄陳次賈

擔簦往解蜀山紛歸舸經行老幾分楚國喜誇新令尹
霸陵疇識故將軍相逢舉酒酬江月一笑攜書訪岫雲
乞得身閑了無事但知耕鑿感吾君

岳陽送管順甫還清湘

度嶺來荆又戍西，驚濤險棧盡同之。
七年相與猶一日，萬里偕還分兩岐。
若隱我歸終此世，寶坊君到出何時。
交情果未輕捐棄，回首毋忘贈別詩。

過鄂渚登南樓

壯游幾度上南樓，今度重來二十秋。
俯仰之間只猶昨，登臨何處是無愁。
好山常在世青眼，此水如斯人白頭。
老興未闌明月上，歸歎笠澤有扁舟。

和劉疏軒雪堂韻

因君郢調問前蹤
賢者斯能樂雪宮
四海香名寰宇外
百年公論黨碑中
癯然鶴骨存生氣
寂甚鸞膠續古風
留得墨池芳潤在
草元猶可憶揚雄

和疏軒琵琶亭韻

高亭俯瞰蓼蘋洲
人老香山月自秋
過耳好音堪一笑
傷心往事只輕漚
休嗟塞上明妃調
且送江頭過客舟
壯士肯為兒女淚
柔腸一任惱蘇州

望富池卷雪樓作

忠貫義娥勇冠軍虎臣勲烈在三分江東父老猶王我
天下英雄有使君萬頃怒濤翻白雪一樓晴靄揜紅雲
我來多謝神鴉力風送牙樯意許勤

阻風黃盆口

三日江行兩日風短篷掀舞浪花中危疑正貴須臾忍
靜定將收造化功休嘆退飛猶六鷁會看遇順若孤鴻
挽回一息南薰力穩送征檣秋浦東

戊戌冬護軍援廬濡自柵江入今日過之恍然
如昨夢因成

隔江屯塢自孫吳猶記孤軍出此塗閱十九年如夢覺
歷千萬里幾馳驅月沉荒壘馬橫塞風捲寒沙雁宿蘆
憶著當時身是膽歸休毋更老江湖

阻風固城湖

歷峽浮江萬里歸一湖乃爾尼留之由吾天籟偶相值
豈汝川靈敢肆欺上水雖饒趨下使北風會有轉南時

浮生只作無心看，何用咨咨咄咄為。

固城湖邊即事

孤舟橫岸水潺湲，野色天成一段閑。
十數牧兒黃犢側，兩三釣叟白鷗間。
叢叢烟樹誰家市，淺淺雲巒甚處山。
風定浪平歸路穩，更無菟夢到蕭關。

道間即事亦有聞而感慨

八載天涯喜遂歸，吳鄉當暑亦相宜。
茗烹陽羨慰久間，鱸買松江更一奇。
老樹經風惟柳長，新田得雨未秋遲。

不因看鏡驚頭白將謂情懷只舊時

過宜興舟中見雲川諸山

八年不見此山青一見殊增老眼明
鬢髮已從霜露改翠屏只在水天橫
纖塵不染皆秋色久間相於若世情
朝爽夕佳常領略去來爭似釣舟輕

術士余雲谷求詩和永國韻

心悟元機妙不傳家雖谷口近平泉
且談方外山林樂休說人間將相權
世事何如難逆睹吾生已矣莫多纏

未能免俗聊相問更活耕桑得幾年

初到善權香火院

寺有宗盟幾百年洪恩新錫出堯天三生香火前因在
一段林巒舊識然華表鶴歸今豈異葛陂龍化古嘗傳
更須行脚江湖了來結雲山不盡緣

丁巳閏月六日登嶽陽樓

二十年前典此州經行中又幾春秋青山面目元無恙
白髮形骸祇自羞客子登臨知有酒古心憂愛在斯樓

凭欄慨想飛吟過水視杯坳芥視舟

長沙郡齋中夜聞雨不寐

簷花窗葉和燈前全似江南雁到天漸老弗堪秋意早
不眠那為雨聲然學儒不力冠非誤善舞何心袖足旋
喚醒幾番闕塞夢蛩吟四壁只年年

徐介卿赴召經筵二詩送之

天賦經綸滿壯懷飽於馭歷老其才江東見謂無卿比
今世誰能舍我哉嶺表分弓寬上顧淮頭弄印待公來

玉階宜罄忠言告聞說天邊有詔催

袂判平山十五年喜迎召節下樓船交情一見歲寒在
世事幾番春夢然我亦將歸謀佚老公今此去類登仙
一杯且酌長沙酒莫憶燈棊話漢邊

郡圃木樨開第二花

蒼蒼仙種自誰栽一度秋光兩度開故遣寶花裝世界
重教金粟見如來香於月下開樽對意似霜前把菊催
生怕重陽風雨近亟須領略莫遲回

登定王臺

漢恩列土育如春，留得芳名遠到今。
幾換人民此城郭，四圍闌闌有山林。
見長安日存吾敬，望大行雲契彼心。
忠孝永貽千載後，絕勝易水築黃金。

羽旄鐘鼓舊曾游，溝葉宮花迹尚留。
耆老遺開秦雍土，登臨偉觀楚湘州。
月明故國存千禩，木落空山又一秋。
極目長天詩不盡，西風吹雁使人愁。

九日登壽沙城樓

偶因萸菊到城頭，手攬瀟湘一片秋。
西北黃塵清遠徼，東南紫氣盛中州。
衆山環拱皆衡麓，一水橫陳是橘洲。
且酌芳樽醉千古，去來鷗雁自沉浮。

自和

老態龍鍾雪滿頭，黃花招我對清秋。
東籬幸可安吾土，南服何堪典此州。
莫憶風巾游漢渚，早呼雨笠訪滄洲。
明年把酒知何處，預約家僮釀蟻浮。

立春後登裴公亭時已解郡組

公餘贏得片時休，徙倚危亭豁倦眸。
屹屹獨存今嶽阜，滔滔不盡古湘流。
猶看雪意微茫在，頓覺春光駘蕩浮。
舉酒莫論今古事，只將身世付沙鷗。

登妙高臺

占得湘中地最高，山川端欲助人豪。
萍蓬江海通吳會，蘭芷汀洲帶楚騷。
人住翠微藏夕靄，水連碧落見秋毫。
闌干立盡家何許，徒賦歸心折大刀。

和蕭石城袖示壬午李漕革夫勸駕詩

閱三十載墨猶新公是當時第一人馬革伏波慚立柱
羊裘嚴瀨老垂綸觀賓可以觀其主在子勝如在乃身
多少汗顏君袖手憑誰舉酒問穹旻

道間見梅

虛簷索笑幾逡巡不得春風不肯春忽覩冰肌傍官道
相逢霜鬢在征塵憐渠孤迥猶寒暖慰我漂搖類故人
猶賴東君不捐棄枝無南北一番新

衡陽道間即事

衡山九十里衡陽風物熙然冠楚鄉古木千章屯翠幄
小溪數曲卧虹梁雨蔬旋摘充庖美社酒新筍透甕香
村舍春長無一事門前車馬任渠忙

午行即事

數日征行喜即晴山明溪秀翠為屏竹門梅出數枝白
松外山橫幾疊青人漸採茶登隴阜家多釀秫市郵亭
短輿午困幾成夢兩兩枝禽為喚醒

過衡州值雨偶賦

行盡瀟湘第幾山，短輿軋軋費躋攀。
柳邊官驛堠十里，竹裏人家屋數間。
宿靄弄陰風料峭，春泥障路雨瀾斑。
韶華袞袞成虛擲，強托清吟解病顏。

入祁陽縣界即事

境入祁陽驛，迢道旁烟火。頓蕭蕭茅岡叢，篠路磊砢。
蓬舍扃柴人寂寥，市粒頗艱絀。歲儉野芳交，發自春饒。
扶藜勇過黃巖嶺，知竭精忠答聖朝。

宿祁陽題縣驛

垂垂白髮老相催末路崎嶇穀又推萬里備更霜雪苦
十年重入瘴鄉來休思往事驟鷺去恍類前身化鶴回
行盡瀟湘春脉脉故人惟有道邊梅

永州四十里頭偶賦題郡驛

病軀羸馬陟崔巍撲面征塵抖擻開萬古春愁借山隔
幾番風信把花催染成湘淚笑鄰竹飄作壽粧嗟辱梅
撚盡吟髭無奈困亟呼茗椀勝村醅

道間梅花可愛風後無復存者

可恨封姨妬雙玉飄殘羽袂委泥塗香餘江路詩傳甫
影落孤山仙去逋桃李兒曹從後我竹松朋友肯踈吾
夢回紙帳身為蝶留得掀篷數尺圖

離永州宿愚溪十里村

冷落愚溪十里村暫容車騎憇柴門松荒頓憶陶潛隱
梅落難招宋玉魂累日有風春自暖今宵無月夜難昏
勿令鼓角鳴行帳田舍將疑有戍屯

晚宿大塘市

僕僕征鞍日向西相將山色界湘灘農多火種春猶燒
客每露行朝未炊燕傍人家猶細認馬行官道似曾知
眼前風物紀無盡賸費吟鞭幾首詩

宿深橋驛

湘浦纔春已著鞭依稀漸近勸耕天山櫻花落紅飄雨
野草燒殘青入煙雲接嶺頭陰漠漠泉流澗底響涓涓
巖關兩入知非偶重扣寶坊占宿緣

轎中午困啜茶偶成

行盡湘中一月春霜髭幾欲染緇塵山無重數幾何路
花不知名俱可人午困得茶聊吻潤春愁着柳亦眉顰
天教早辦公家事乞取身歸笠澤濱

夜雨復晴

雨欲今朝忽又晴客塗憂緯為關情木多未葉春幾槁
桃已皆花水未生宿麥既辜秋隴種新秧止俟早田耕
蟄龍何處深淵睡乞取霆聲為喚驚

至清湘驛和已酉壁間韻

冰霜染得鬢毛深，又復鈎輶聽嶺禽。
老馬已非筋力舊，好山重見面顏今。
地饒風物皆春意，天念塵煩為午陰。
轉首十年成一夢，龍蛇滿壁富新音。

將至桂林戒弗作詩飲酒

誤領元戎太乙旗，提封四履鎮南籬。
旄倪爭向道塗看，名姓亦為蠻徼知。
時務正殷毋事酒，春光雖好莫言詩。
經營都了家山去，此是從容觴詠時。

勸駕桂林鄉舉

十年復此主文盟喜得名邦歲貢英宴啟鹿鳴珠照乘
堂開鵬運玉連城梅花雪裏傳魁信桂子風前送客程
若到天庭問南事細陳長策為銷兵

送子守衡州

雁峯自昔號名州爾既難辭我莫留臨政毋忘宣上德
持身謹勿遺親羞當令民誦循良守罔俾人譏恩澤侯
國事正殷宜黽勉明年吾自問歸舟

己未元日寄子

子在衡州我桂州兩州相望共承流
天回北斗又華旦
人立東風正黑頭
新歲五更三節序
老夫六十二春秋
何時共對屠蘇飲
應念孤雲為倚樓

別權瀘帥朱杞材太社

猶記衝寒沂峽來
相期偕至亦偕回
朝廷有詔許歸老
藩嶽無人值借才
顧我凋年嗟已矣
如君英略勉之哉
度瀘要了經營事
心放公平手放開

過新灘作出峽行

蜀道登天難尤難沂流入自峽上夔渝江險灘節密前
年衝寒來水落且石出寄命竹一縷寸挽退或尺旬宣
愧罔功征戍幸逭責仁哉聖主恩有詔許歸佚匆匆乘
月下初值朱明律常年桃漲後此際梅潦溢危漩若釜
沸驚湍如矢激今年獨何異水勢平於席僅添半篙綠
穩泛萬頃碧縱橫順瀆淖隱見辨沙磧毋庸事盤灘了
不懼觸石一日涪州岸三宿雲安邑灑灑瀕露山骨底柱
屹中立巫峯披宿霧竒哉翠欲滴建瓴高屋易百里一

瞬息安然中流坐恍若前山失舟輕蜚鳥過岸駛脫兔
疾伊灘以新名此水慮微澁黎明報船步數尺長一夕
波臣信有助棹師喜何劇前竿與後枕櫓六視聽一招
呼左右向心手應相得所取無釐差其矢如繩直載瞻
洺川祠不遠西陵驛倏焉飛庶怒捲起浪濤白篙蓬掀
欲舞綆纜繫惟亟凡我同舟人相顧幾動色興言大川
涉疇為訊諸易古諺固有云飄風不終日須臾棹歌發
安危在漏刻衰遲嗟我生險阻幾身歷萍梗徧江海星

霜老疆場此行亦良苦豈敢計終吉始入凡四句今出
僅更決行止非人為扶持有神力辦香薦牲酒對越寸
衷赤自茲丘樊歸謹無以形役晚來賀平善詩以紀其
實

阻風太湖沙塘港

歸程雪邊來四旬六千里瞿唐過灩澦洞庭至彭蠡涉
歷天下險心有如此水竭來太湖濱到家步纔跬胡貽
蜚庶怒相挾馮夷氏驚颺畫而作駭浪暮不已令人向

洋嘆可望不可邇組練前陳扼銀屋平地起逖巡問維
楫飄泊委蘆葦歸心苦何遽短棹姑小艤嘗聞強則避
事當順而理平明遲解纜天宇杲新霽金烏甫生東魚
龍首俱弭上下大圓鏡四面平如砥天公翻覆手風后
吹噓是巽轉而之坤帆去隨所指出湖且入港曾不片
時爾前津問錫麓弗遠尺有咫舟人顧相賀昨憂變今
喜我生容江湖噫嘻嗟老矣可以速則速時當止則止
豈惟行舟然世事只如此由茲石塘出此去皆坦履歸

來荷聖恩全家賴天賜息陰亟休影杜門以却軌

題張醫諭活庵

用藥如用兵命醫猶命將醫良則身安將良則師壯表
裏孰虛實存亡在俯仰能出康濟方憂慮危急狀活法
雖指間活機寓心上活國與活人一忠乃可仗我願將
皆方虎醫扁倉四海生民舉無恙

湘南樓落成和林書記韻

樂郊從昔推南州今控西鄙猶心喉碧虛境界富登覽

前賢故址存風流斯樓枕江屹雉堞俯瞰寒碧潛蟠蚪
夕佳朝爽在几席岸巾拄笏供遨頭邇年敵人肆狙伺
南北不及風馬牛經營墉壑備亭障旗鼓譟亮雄譙樓
巋然東壁乃頭角適與壤會將誰修斯何時也事斯役
或者食肉非良謀緬懷昨夢閱十載不謂白首重來游
雖然左腹證日急類捨劍棧窺江油視茲罅漏弗補葺
毋乃閒暇忘綢繆梓人餘力建重屋吾意正豈舒吾眸
三湘百粵類砥柱金城頌頌江浮浮黃茅薰炙鳶墮水

不費矢鏃空羣酋疇其載筆紀崖右落成且也陳觥籌
築惟甲戌繼費誓城沂亦做書春秋吾皇神武光四表
自此醜類豈復能虔劉佳哉此詩幕中彥孤凰一鳴驚
羣秋帶蓼梅雪久絕響眼前有景君無收謾搜枯腹欲
貂續祇覺顏汗包驂羞

挽尤端明

四首

身際乾淳盛家傳祖笏棠典型周大雅人物魯靈光原
德千鈞重明時一鑑亡哲人今已矣夢卜負巖廊

渡江無故老文武少全材金玉其相者朝廷有幾哉鑿
坡資潤色虎帳壯規恢盍展經綸蘊登調鼎鼎梅

自入烏公府受知三十秋水魚承雅眷風鶴記良籌一
意人才進平居國事憂絲桐宜東閣誰似子期不
憶昨趨湘水公歸問錫山惜時為俗累欠往拜師顏不
復親溫厲疇其念險艱莫持雞炙去老淚不勝潛

庚申病中作

六十三年憂患鄉人言晚景尚悠長不知氣鬱致痰厥

忽爾異證生微茫操修弗遂仁者壽治療倍費醫之良
今將累日未痊愈自知不善攝養貽天殃頭目昏眩手
足不能動偃然一榻殊徬徨光搖兩目皎無寐汗流四
體痛欲僵縱然未即致幻化惟恐廢棄難安強人生修
短固定數不必以此縈吾腸枝披葉殞待風寒根本弗
固安能當平生蹤跡等一夢未必可保風燈光兒女滿
前無顧戀家山何許莫思量是非得失一勾斷萬事盡
付之遺忘寧神定慮聽造物至此收拾甘歸藏門前風

月正清朗符到即去庸何傷

記十五日夜星犯月

兩月之間星入斗疇昔之夜星入月入斗前史驗下走
入月韓詩應敵滅昭然垂象不輕示適驗天心悔禍亟
彼哉蠶食諸戎盡雲擾中原野流血去年突然渡江左
幾欲長驅控京闕使其得氣不擊敗延及生靈禍何烈
衣冠正統幸陰佑依然天塹限南北乃知碩果弗盡剝
東南生意不終絕吾皇修德務飭已悔悟一念足對越

正當歲星在吳分不待一言退熒惑彼運百載天將亡
兩星炯炯豈虛設自今有道守四夷海寓一家混吳越
病夫得復見太平願以餘年老農業

庚申七月自桂歸資壽作

三載煙嵐在嶺陬幾番清夢到松楸每憐老子身關塞
長憶童時某水丘今得歸來訪漁隱不妨高卧老菟裘
據鞍矍鑠成何事徒愧平生馬少游

歸善權謝福巖

強健南游抱病還鬢毛剝落足蹒跚喜觀雲衲酬前約
莫聽家僮說舊官幸免如陵羞在隴將期同愿老於盤
當家公案師拈出更向三山石上看

勉時思王和尚留

面壁者十年桑下者一宿時止則止行則行可久則久
速則速時思老子苦硬人孤雲其身心槁木三年牢落
此山中禪衲爭歸衆魔伏平時欲定方外交白石清泉
正相屬我歸師去人謂何母乃欲善其身獨巾瓶到處

金剛經卷第十
卷十
即為家何必江湖苦馳逐若還飛錫出門去此一瓣香
誰與續得住且住則為佳敬以此為上人祝

福巖再過公安贈行

記得桂林臨別勸師緊閉禪關又被如來牽率未容高
卧雲山

浙境欲留師住荆人爭望師來要是因經未了不妨兩
地裴回

方藉名山作主胡然舊席重開了却江湖願力切須早

早歸來

餞管制幹

畫諾三邊賴一賢，憐余東下病纏綿。
驅馳不憚數千里，
繼綵相於十二年。我老已辜康樂屐，
以不良於行也君行快著

祖生鞭祇慙無力，堪吹送雪意垂垂。
餞去船


辛酉首夏余雲谷自四明來訪，且錄示丙辰年

所和永國韻。恍然喚起昨夢，嗟壯健之不可復。

得今病廢無它問，謾書五十六字謝之時，病猶

未愈

禪榻相逢六載前當時駕力尚堪鞭繼更煙瘴為形役
徧歷風濤不意全思舊仙遊嗟已遠老軀痿廢抑誰憐
而今莫問人間事得正孤丘是甚年



可齋續藁後卷十

欽定四庫全書

集部

可齋續稿後卷十二

詳校官庶吉士臣吳烜

主事臣呂雲棟覆勘

總校官庶吉士臣倉聖脉

校對官學正臣湯垣

謄錄監生臣萬朝宗

欽定四庫全書

可齋續藁後卷十一

宋 李曾伯 撰

詞

蘭陵王

甲寅初度和次賈韻

問梁益天設金城鐵壁西風外依約雁來還報關山舊
秋色三秦聽漢檄遠恨綿綿脈脈頻年事虛擲桑陰禕
允諸人竟何策彤弓誤殊錫悵活國難醫採世須佛
平生本藉毛錐力對弧矢初度滿頭白髮何堪兵衛疊

畫戟吐青央陳蹟 酒石羨王績任擊缶呼天此樂何
極奚須太息驚前席望天闔休待夢如陶翼柳邊春後
放定遠出西域

八聲甘州

送吳峽州

問西陵治比漢河南若為遽東歸正峽江滾滾中流我
共一檝抗之倏聽攀轅告語公去袴襦誰賴有甘棠在
人口如碑 百尺樓頭徙倚記綢繆桑土幾對燈檠指
鷺洲何處心事想鷗知向江湖毋忘魏闕正吾皇當饋

急賢時經綸事更須玩易勿但言詩

水調歌頭

甲寅壽劉舍人

序正象占堯吉叶夢維熊身隨金粟出世香滿小山叢
鐵券丹書家世朱閣青氍步武名字在堯聰鵬鸚健雲
翻聊爾待西風功名事書劍裏笑談中江濤滾滾如
此天豈老英雄先我甲庚三日伴子春秋千歲何幸舉
樽同歌以壽南澗願學稼軒翁

臨江仙

甲寅中秋和劉舍人賞月

同此三秋端正月地高先得光輝分明身世玉琉璃不
妨人未老長與月相期 我有芳尊供翫事從渠魏鵲
無枝直須飲到五更時大家眠玉界莫羨晏瑤池

水龍吟

甲寅中秋

楚鄉三載中秋倚樓輒值蕭蕭雨澄空向午廉纖數點
又疑虛度卷起雲鬟掣開粧鑑喜瞻眉宇問嫦娥丰貌
間何潤矣元不老只如故 見了悄然無語但令人不
堪懷古老蟾應記舊時人物孫劉陶庾俯仰皆空陰晴

何恨芳樽頻舉問他年憶取今宵人如許月如許

水調歌頭

再賦

可愛十分月都無一點雲清光是處皆有渾不許人分
獨是大江深處一片水晶世界髣髴有微痕坐到夜深
際萬籟寂無聞與諸君同一笑舉芳樽素娥自有佳
約何必命紅裙頃刻參橫斗轉歸去華胥一覺萬事任
紛紛我袖有玉斧當為整乾坤

眼兒媚

和八窗叔韻送之

公歸東里我西州
楓荻楚天秋
烏檣轉首莫雲江
樹落日沙頭
瞿唐此去風濤惡
寧願賈胡留
明年春晚松江笠澤歸約追遊

大酺 和陳次賈贈行韻

對劍花凝笳葉捲
天宇塵清聲肅樓船催解處
正日戌夕照風旗西
轟虎戰龍爭人非地是
形勢昔雄三國景升
今何在悵娑娑老子奚堪
荆牧豈自古常言力寧
鬪智智寧如福西征非
太速奈臣職難負君王
囑嗟往

事祁山抗表劍閣刊銘祇成墮甌并空軸喜聽平安信
豈止為區區一竹蚊蟲類笑談逐玉關歸老不願封侯
食肉願還太平舊蜀

浪淘沙

舟泊李家埠

斜日掛汀洲帆影悠悠碧雲合處是吳頭幾片塞蘆三
兩雁人立清秋柳外莫停舟休問閒愁人生江海一
萍浮世路相期如此水萬里安流

八聲甘州

登經濟樓

上巍樓指顧劍東西依然舊江山
悵誰為荆棘委渠天險薄我風寒
金甌經營幾載鴻雁尚漂殘一片迷
棋局著手良難猶幸紅旗破賊有竹
邊新報喜聽平安問紛紛遺事一笑
付凭欄願天驅五丁壯士挽岷峨生
意與春還斜陽外夢回芳草人老蕭
關

滿江紅 乙卯詠海棠

纔過新正能幾日海棠開了將謂是
睡猶未足嫣然何笑一片殷紅新錦
樣天機知費春多少更芳期不待燕

黃昏鶯清曉 花舊說南昌好花宜占東風早想香霏
地近融和偏巧佳句流傳千古在石湖不見坡翁老倩
何人寄驛報家山教知道

自和

自入春來花信費幾番風了先付與紅粧萬點蒼顏一
笑舊說沉香亭北似今雖濯錦江頭少最可人枝上月
籠春烟含曉 亨會稱花王好嘉聘惜梅兄早對芳容
細翫天然新巧羯鼓不須催太甚霓裳易散梨園老任

杜鵑猶自殿韶華呼殷道

謁金門

風又雨芳事匆匆如旅借問甚時纔百五東君渾弗顧
紅紫園林幾許橫笛數聲何處桃漲連天歸未去客

和春且駐

又

春且駐休惜殘紅無主柳色青青還未絮牡丹猶待雨
金鴨沉煙一縷人在紗窻覓句髣髴家山三月暮隔

簾聞燕語

水調歌頭 暑中得雨

今歲渝州熱過似嶺南州
火流石鑠如鍛尤更熾於秋
竟日襟常霑汗終夕策無停手
幾至欲焦頭世豈乏涼境
老向此山囚 賴蒼靈憐赤子
起龍湫剝那項耳天瓢傾下足
西疇蕩滌兩間炎酷蘇醒一番
枯槁民瘼庶其瘳清入詩脾裏
一笑解吾憂

又 蒲制帥以喜雨韻為壽和以謝之

兩歲是六袞萬里客他州一眉新月西掛又報桂花秋
想見吳中稚子已辦秫田數頃更種橘千頭堪笑新亭
酒空効楚人囚飯甘簾衣任惡屋從湫世祿道眼看
破聞早間先疇這服清涼散子多在疴坊弗悟美疾甚
時瘳膏秣歸盤去無樂亦無憂

沁園春

乙卯初度和程都大韻

雪山有緣白首重來信不偶然悵瘡痍未洗平戎何策
英靈不絕賴蜀多賢耆舊二三甲兵百萬力障狂瀾回

巨川秋聲靜共巍樓把酒自足籌邊 何人為我箋天
焉用此客星留井躔正柴桑粟里稻肥蟹健松江笠澤
蓴美鱸鮮百計求閒一歸未得便得歸閒能幾年持公
賦待後堂新唱誇語彭宣

一剪梅

乙卯中秋

人生能有幾中秋人自多愁月又何愁老娥今夜為誰
羞雲意悠悠雨意悠悠 自憐蹤跡等萍浮去歲荊州
今歲渝州可人誰與共斯樓歸去休休睡去休休

沁園春

乙卯詠桂

晚出千林中立三秋清哉此花自鷺峯移下碎成玉屑
蟾宮分到綴作金葩粟許來微薰天聲價較楚蕙庾梅
還韻些真竒處但餐沆瀣不染繁華酒邊一笑婆娑
還疑醉山中尊者家悵塵埃俗狀強顏羞對風騷墨客
樂事堪誇月照繞清露濃尤馥飲待夜深應更佳始容
我膽瓶斜插卧看窗紗

自和

一種孤菱四出清芬半秋始花只些兒肌骨纔踰一芥
許多韻度迥壓羣葩得雨相催隨風所到較七里山樊

尤遠些

湖南名桂
九里香

紛紛葦笑渠儂桃李徒競香華 試

客老子婆娑恍身在廣寒仙子家任殷勤喚酒恣從君
賞徘徊待月賸向人誇我有家林舊栽巖壑得歸去相
延方是佳姑先約拚共橫船玉教墮巾紗

水龍吟

送吳季申赴省

江頭雨過黃花片帆催向春闈去兩年共我風舟問峽

金
卷十一
霜砧聞楚定遠從軍慈恩策第豈堪同語謾咨嗟人事
分明天意廣寒闕待平步 健筆凌雲如許看新年榜
登龍虎轉頭却笑弓刀塞上麤官何取海濶鵬搏途窮
馬老不勝離緒遇舊游人問征夫煩為說戍邊苦

再和

天涯舍我先歸還知我以何時去浮生萍梗南轅北旆
之吳之楚豈偶然哉祇堪一笑無庸多語向臨岐賦別
丁寧祝望竿百尺進一步 其奈頭顱如許更藩籬穴

猶據虎良機一失付之誰手探囊堪取君對天庭上咨
西事歷陳條緒問相如漢指來宣果何益亦何苦

沁園春

送喬賓王

二十年前黃州竹樓共酌好春記淮堧江表羣賢畢集
清明上巳二美相并一枕黃梁滿頭白髮屈指舊游能
幾人堪嗟處悵光陰易老猶困西塵 今朝又值良辰
空想像長安天氣新問蘭亭癸丑雪堂壬戌倏成疇昔
將似來今觴泛流泉茗烹新火領略韶華聊嘯吟鸚洲

去有故人相問為語歸音

又 喬賓王有和再用韵

咄咄衰翁向羽書中又過一春正老懷夢想扁舟訪剡
壯圖慙負萬里城并溟翼上之冀羣空矣自此陽關無
故人岷江路憶一番風浪三月煙塵 美哉樂事良辰
正好趁東門官柳新且舒情慷慨何須感舊轉頭解后
未必猶今問訊南樓勞還西戍君為楚歌儂越吟眉黃
近怕洛涯催出便有佳音

又丙辰歸里和八窗叔韻

萬里邊戍八載去家始遂一歸悵中年早歷虎頭兵幕
平生屢建豹尾神旗乞得閑身毋庸多議感荷九重淵
聽知當時事似狂瀾欲倒孰障東之天教強寇灰飛
更莫問兒郎存血衣把雪裘霜帽絕交楚徼雨蓑風笠
投老吳磯

江上有吳
王磯借用

徑與松荒人同鶴在交友曉天星

樣稀從今去共麴生相約願樂清時

又送章漕赴召

極目江濤不有人焉其能國乎偉故家風烈激揚手段
平生踐履精密工夫永漕功成月卿召入小却猶當登
從塗斯行也非紀綱省闈定尹京都 猗歟願疾其驅
彈指頃暑收秋又初向玉階方寸親承溫問金城十二
細述嘉謨苔雪船邊藕花香裏念人在洞庭青草湖它
年事約攜東老酒附洛英圖

又 送洪漕除閩憲

天目山房洪崖老仙親授一燈自檄草參籌賓筵領袖

鼎梅助味省闈權衡華國文章立朝風力猶有老成人
典型如公樣盍夜趨宣室晝對延英 乘軺惠我湘民
作翼軫中間一福星正千艘漕玉張頤西橋單車把繡
將指南闈過闕留中歷階而上方值漢朝更化新南中
事若君王問及老弗能勝

滿江紅 丙辰生朝自賦

明日生初還知否明年六十嗟老矣滿頭都縞寸心猶
赤三十載間塵土債幾千里外風濤役賴君天許放故

山歸恩無極 出而作入而息美可茹鮮可食任浩書
空吐禹笑人寂斷國謀王非我事抱孫弄子聊吾適且
從今時復一中之盃中物

又

賦臘前三白

今歲瀟湘真箇見嘉平三白闌闌裏無非和氣不知寒
色宇宙幻成清淨境了無一點紅塵入問太空此瑞自
何來君王德 歌笑是兔園客辛苦是鵝池役任謝家
兒女賦嘲紛出洗盡腥羶空萬里屏除螟螣深千尺向

此時何以對梅花呼歡伯

又

洪雲巖劉翔齋用韵

蝶夢驚殘彷彿似東方纔白人
報道城疑不夜界幾無
色敲瓦微聽水線響開窗
倏放風花入擁重貂曾不覺
寒侵將何德呼刻棹行為客
平蔡壘何能役笑爭如
窮簷高卧閉門毋出安得松江
江上去一簑獨釣絲千
尺要不特寸鐵和前修文章伯

又

再和

立雪寒窗照肝膽了然明白渾似得齊宮氣象郢樓顏
色天籟無聲隨物應陽春有脚從中入與邦人稽首謝
天工元冥德 人正作瀟湘客誰謂有藍闌役對江天
暮景鵝溪描出銀浪捲飛鷗一片玉枝擎重龍千尺羨
聯鑣曾作嶽峯遊前方伯

又 用韵 饒翔齋

把繡成吟真壓倒古之元白佳句有雪車冰柱曾無矜
色一點不留烟火氣詩脾時有清風入更嶺邊多少活

人恩于公德 公自是朝天客應笑我為人役看時猶
多事公須一出琅腹細披忠抱寸龍顏密侍天威尺借
筆端從此潤皇猷翰林伯

又 京述至親舊皆無書再用韻簡雲巖朔齋

聽徹鷺鳥起覽鏡頓添頭白曾不見江南人寄一枝春
色風卷龍鱗殘甲下山無虎跡新蹄入磬氷天桂海使
同風修文德 三十載江湖客千萬里關山役且付之
杯酒何愁西出天女花邊渾似剪誌公杖上平如尺把

富貴都作一般看何什伯

又

立春招雲巖再和以謝之

草草春盤那敢賦絲青玉白湘波動雁懷歸思柳催行
色凍遂寒梢殘雪解暖隨野燒輕煙入舉人間無物不
光輝東皇德鶯燕報來門客烏兔老紅塵役羨翠輶
多暇綵花新出捧日東城行應制去天只隔城南尺趁
五更樺燭向端闈班常伯

又

和立春韻簡雲巖

春自何來深雪裏南枝先白伊祁氏一番開冶千林香
色弱柳眼回青尚淺小桃腮暈紅將入笑渠儂剪綵與
裁花誇閨德 九十日春還客數千里官為役看時來
雁隨雲去魚從冰出一脈流通天造化三杯扶植身闌
尺對東皇太乙續離騷需詞伯

又 招雲巖朔齊於雷困二公用前雪韻賦梅

萬紫千紅都不似玉奴一白三數萼有水霜操無脂粉
色長共竹君松友伴豈容蝶使蜂媒入似惠和伊任與

夷清兼三德 能潔已能娛客成子後調羹役更歲寒
風味時然後出春淺吹回羌管寸夜闌吟費花牋尺炯
使星兩兩月黃昏真詩伯

賀新郎

送靜齋堂召和朔齋韻

嶺蜀天涯路憶前年擔簦西上旌麾南去誰謂瀟湘還
解后重對燈前笑語挺喬木森森猶故梅外柳邊官事
了記年來曾著元戎府却訪問舊游處 酒邊不用傷
南浦為御亭百年門戶正煩宗主見說君王方盱食借

筋哺應為吐這官職二郎須做若見時賢詢小阮願早
攜襁褓耕春雨嗟矍鑠恐遲暮

又 再用韻助靜齋叔入告

日近長安路喜驂鸞帶簪遊戲弓旌招去聞道漢朝帷
幄裏要問媿隅蠻語嗟時事尚茲多故辦取忠謀宜入
告見石洪曾在烏公府須細訪風寒處 左荆右嶺中
湘浦願扶持東南溫厚老天張主翹館欽賢人共說一
飯每勤三吐公此去好官須做從吏涇舟同共濟更綢

繆桑土先陰雨滅此寇直朝暮

又 丁巳初度自賦

老作星沙守問今年平頭六十翁還知否暑葛霜砧都
歷遍還著回旋舞袖奚所用皤然一叟欲覓金丹駐顏
色縱鐵鞋踏破終無有空自詫不龜手 西風又近中
秋候記相將桂華開未月兒圓又弧矢四方男子事爭
奈灰心也久何以報國恩深厚了却官癡歸去好有竹
窻蓬戶生涯舊姑一笑付杯酒

又自和前韻

問訊南州守悵吾生今非昔比後猶今否涉盡風濤憑
箇甚一瓣心香在袖人競說頑哉此叟識破榮途皆幻
境只形骸已累它何有姑勉爾應之手 休煩太卜勤
占候怕漂零江湖易老光陰難又兔魄初生人初度期
共嬋娟長久賴此月於人猶厚燕頤封侯非我事早攜
書歸卧吾廬舊渝此約有如酒

水調歌頭

送印德遠經略入廣

宵旰軫先慮，嶺海屈真儒。金城素有奇略，不待至纔圖。
春滿洲，鸚樓鶴天付簪。山帶水，駟馬駕輕車。六月正炎
熱，吾肯緩吾驅。越蓬婆，踰邛笮，彼穹廬。其能涉我煙
瘴，載籍以來無聯絡。五溪百粵，托柱南方，半壁中外，保
無虞。了此經營事，歸去位鈞樞。

又 長沙中秋約客賞月

洞庭千古月，湘水一天秋。涼宵將傍三五，翫事若為酬。
人立梧桐影下，身在桂花香裏，疑是玉為州。宇宙大圓

鏡沈濯際空浮 傍譙城瞻獄麓有巍樓不妨舉酒相
與一笑作遨頭人已星星華髮月只團團素魄幾對老
蟾羞回首海天濶心與水東流

又 自和

佳月四時有舉世重中秋金明水秀競爽亘古景難酬
燭火繁星退斂挂海水天洞照清影徧神州萬象自妍
醜一鑑若虛浮 昔蘇張誇玉界賦瓊樓素娥閱人多
矣不怕雪添頭只恐參橫斗轉還又酒闌歌散醉態醒

堪羞安得真仙術免魄駐西流

又幕府諸公有和再用韵謝之

敢問遼天月歷幾億春秋老娥盍相刮目無一語相酬
似訝經年間濶類笑衰翁潦倒歲歲客他州清照五湖
濶倦影一萍浮任渠儂琴當戶酒當樓人生適意對
君何似橘千頭月正圓時固好人欲閑時須早毋作隴
西羞多謝錦囊句椽筆富清流

又戊午初度自壽

問訊中秋月瞥見一眉灣
婆娑桂影今年又向桂林看
蓬矢桑弧初度羅帶玉簪舊識俯仰十年間
記得老坡語頽景薄西山
碧虛人應笑我已蒼顏歲寒耿耿不改
惟有寸心丹目斷風濤萬里夢
遶烟霞一壑老矣甚時閑
不願酒泉郡願入玉門關

木蘭花慢

送朱子木叔歸池陽

羨吾鄉秋近正蓴美更鱸肥
顧安得相從征帆街尾飛
蓋追隨南中眼前事勢正相持
邊腹一枰碁將謂燈明

月暗笑談共和韓詩 誰知催上王畿無計可挽留之
想翠微深處倚樓日望天際人歸中流江濤滾滾藉烝
徒共楫屬誰回首西風過雁料君為我興思

沁園春 已未初度

六十衰翁更加二齡此何等時不退尋巖壑相安耕釣
重來嶺嶠猶事驅馳絕類文淵當年矍鑠上馬據鞍奚
所為偏憐處是難堪潦霧水際鳶飛 雲臺銅柱空題
柰床下伊人心素疑自古來如此只須付酒風光縱好

勿復言詩尊菜美時桂花香裏所願少須臾樂之西風
外喜羽書夜靜即是歸期

滿江紅 庚申初度

今歲垂弧欲自壽一辭莫措何可擬翁頭如雪香山白
傳首夏一番惟重病去秋數月櫻豺虎賴天公肯為併
餘生逢初度今幸釋千鈞負尤可喜歸田去但蹒跚
勃窣龍鍾如許薇柳諸闈成底事菊松三徑猶堪主辦
籃輿尚可掇漁樵盟鷗鷺

水龍吟 興安道間

西風滌盡炎歊連朝更值天無雨筍輿軋軋經行三日
碧參無數勝絕江山余行天下無如此處任今來昔往
迎新送舊風景在只如許 誰謂陰山驕敵去年冬敢
侵吾土哀哀鴻雁一番蕩析幸逢多黍拜表出師安南
定北豈無忠武嗟老夫耄矣無能促歸棹艤江渚

水調歌頭

庚申十六夜月簡陳次賈

昨夜雖三五寶鑑未純全今宵既望兔魄纔是十分圓

又得平灘繫纜冷淚玻瓈千頃表裏一壺天扶僊篷窗
下拚却夜深眠想嫦娥應笑我鬢蒼然平生修翫猶
記歷歷舊山川安得乘槎訪斗問訊廣寒宮殿悵未了
塵緣願賜長生藥換我骨為仙

八聲甘州

辛酉自壽

數年來揆度在南州今年在家山嘆平生蹤跡荆淮嶺
蜀多少間闕幸對園林花竹一笑且團樂莫憶西風夢
馳志樓蘭贏得維摩多病奈鬢毛剝落步武蹒跚神

仙何處遺我以金丹願明時清平無事故老翁長伴白
鷗閑聊相與桂花香裏滿酌開顏

水龍吟

長沙後圃荷開之久無人領畧
賦此詞具一杯招管順甫諸公

此花迥絕他花湘中不減吳中盛疑從太華分來嶽麓
根荦玉井炬列千紅蓋擎萬綠織成雲錦向壺天清暑
風梳露洗塵不染香成陣好是一番雨過似輕鬟晚
臨粧鏡阿環浴罷珠橫翠亂芳肌猶潤載月同遊隔花
共語酒邊清興問六郎凝竚多時公不飲俗幾甚

大正四年四月



可齋續集後

二十一

可齋續藁後卷十一

欽定四庫全書

可齋續藁後卷十二

宋 李曾伯 撰

雜著

陳可齋文集序

文有足以名世者有姑以應世者名世則實為世教之
輕重應世則直為世用之醜酢同謂之文而如是不同
焉某與可齋陳先生寓同里師同門仕嘗同幕同朝在
荆在潭今又同分藩岳又同以可名齋肝膽臭味略同

所不同者公之年德實居先其學精以深其文粹以正
某晚輩荒陋不足希慕萬一耳湖陰部刺史介軒劉君
鑿樂道人之善偶見鄙作遽取而播其醜豈能掩大匠
笑然姑以應世非敢以是為文也一日書從郵來惠以
新刊可齋陳先生著述全帙亟啟亟誦則公之文真足
以名世矣介軒萃而梓之顧令引之以序噫嘻異哉是
不幾於駑駘與驥騮並馳乎魚目與夜光敵價乎窶人
與猗頓角富乎嫫母與西施爭顰乎介軒之意則美而

予之則過也其儻不揆屬筆多見其不知量識者其謂何因思其說以復介軒請曰無可無不可此固介軒盛德事然吾夫子嘗論可不可之義曰可與言詩曰可以為師皆許其可者曰未可與適道曰不可以語上皆謂其不可者未嘗持而可之論今吾陳先生之文廣之以垂世可也而顧欲以佻言儷之是折揚黃華雜諸周南召南無乃不可乎雖然昔人有以荆潭唱和得名於世更唱迭和此亦師友事也合裴揚之長以為兩府從事

美譚昌黎有公案在介軒其何遜

祭李漕母夫人文

嗚呼母道稱於天下者雋以平反喜珪以知人稱滂以
立節軻以善教蓋非是母不生是子也夫人夙有懿範
嬪於德門訓道有方為時名臣駟轡載驅江漢之濱安
車綵袖熙然其春天盍錫之壽齊岡陵胡為一疾以夢
幻聞鸞誥新封鶴髮華齡死生晝夜始終哀榮嗚呼夫
人亦何憾之云子失賢母乃一家之私民賴賢媿正一

道之依郎宿移躔福星沉輝此則十五城之耆老童豎
深為使者戀而重為夫人悲也南浦兮草離離城西兮
柳垂垂丹旄搖風兮情淒淒薄奠三行兮夫人其鑒之

祭別觀文

嗚呼光嶽分而無全材世之有是材者固不多天地大
而有餘憾材之不盡用者亦不少故嘗謂材而用至於
盡亦止於斯人而已惟其有之不盡用之是以君子常
惜焉惟公以荆楚數百年間氣是生郢中挺有竒骨早

年第泰常客諸侯當時搢紳之士識與不識皆望之如
景星慶雲也中歲任軺鉞歷方伯德澤被於民庶溫乎
其如春風和氣威名震於邊圉歸然其如泰山喬嶽也
晚登邇聯贊事樞參政機所以寅亮天工扶植國脈若
金在礪猶川作楫薄海內外固莫不顛顛引領以望公
之雷域中而雨天下也世謂公僅以魯論一半而佐經
濟公亦豈不欲以周禮一部而文太平乎蕭然歸來身
退名垂當饋不忘仄席屢咨寒花晚香獨樂深衣輔台

作相舍我其誰何天乎之難測不一老之愁遺無乃司馬五兵之用僅略試而冢宰八柄之詔不及施乎嗚呼一鑑亡而姑有使證若在之嗟營星隕而姑有使亮不死之思是皆懷其人之有餘而不盡用於當時豈惟當時惜之哉後世亦惜之也嗚呼傷哉豈謂公而止於斯乎豈謂公而類於斯乎即公之所已為究公之所未為然則豈可以蠡測管窺也耶已矣乎龜溪兮涓涓鼇峯兮巍巍鼎覆兮卒弗調棟橈兮其疇支一息晝夜之常

萬境夢幻之非公之至此固何所憾士則以此而為
公悲嗟我門人孰從驅馳棠陰猶存隙駒難追是蓋漢
公卿之所共傷豈惟楚父兄之哭其私東芻致哀老涕
交頤

祭章朝奉文

九江制帥父

嗚呼人物之生亦猶山川之靈崑崗以玉而貴合浦以
珠而名伊彼滿皖自天種英世有厚德植槐於庭式教
之忠為時名卿以斯文鳴東在中宸出則元戎入則御

史金湯中流柱石當世不有是父豈生是子丰神兮顯
昂令望兮珪璋紛綵侍兮旒鉞對五老兮蒼蒼齡九十
之將開亦既壽兮且康天弗慙遺公兮何傷恍蝶夢兮
不返與白雲兮徜徉我以其鄰誼同而翁舊固嘗拜公
之容獲聞鯉趨今恨不弔公之喪往與禭從持一束之
生芻致千里之哀悰

謁夫子廟文

重慶

猥以庸陋被命來宣念蜀雖多難而坤文炳焉猶昔人

心之義理與山川英靈終古不磨某之是行曷足以稱
厥職亦惟持此忠信庶幾得西南之朋以濟天其悔禍
剝極而復遠人消猾夏之姦生民有息肩之漸峨峨石
室尚復見之惟吾夫子其克相

謁諸廟文

重慶

惟蜀游經兵難豈但民之父兄子弟被其毒而山川鬼
神亦不得其寧至於今極矣某無似前三十載嘗備僚
掾於蜀邇來歷更江淮荆嶺老且鈍願致為臣而去天

子命之旬宣不得而辭焉方當疲敝危急之秋昧於一
來其曷克有濟亦惟至公血忱恃此以對越神司此土
職俾斯人繼自今洗岷峨之愴悽清漢沔之氛侵使人
有以為命則神亦有所依也祇見云初敢以為告

宣閩謝安青詞

兩閩十年屢嘗請老一身二任乃昇來宣控辭莫反於
上恩祇受敬安於天命敢陳忱悃仰扣穹靈伏念臣浸
迫頽齡實無遠略抗塵走俗平時所恃此心出死入生

其間不能以髮在淮而僅施一割之用至荆而已嘆再
鼓之衰詎期中朝復委西柄當國事艱難之日非臣子
避辭之時前瞻而劍益羽檄之不寧後顧而襄鄴烽烟
之交急行使止尼不能以自必利鈍成敗未易以逆知
冒然而前它不暇顧值時杪歲觸境畏塗歷三峽之驚
湍雖瀕於險幸四旬之晴色沆濟此行外面水陸數千
之師內則家門百指之衆扶持有賴平善無虞茲抵攸
司撫孤蹤而銜感亟令下里合長息以蠲脩用答心香

載陳薦潔伏願慈光下燭精稜上通開皇天悔禍之機
為生民息肩之日封疆萬里坐消金革之虞鄉井一屋
歸保桑榆之景

揚議郎忠諫跋

世泰則朋黨亡此盛世事也昔人有言去賊易去黨難
嗚呼去黨何難去賊固不易黨去則賊去矣觀漢唐往
鑒黨禍一起兵禍輒隨之是安得不懼余不願君子之
有此名因揚君以諸賢跋語為之感歎故書

吳季申儒英堂跋

世傳儒家有書種古之人如中郎之女范甯之甥其源
委皆有自來雲巖先大夫崔出也崔伯仲為時聞人而
酷似之故其為文得鳳閣舍人樣雲巖嫡傳衣鉢翰墨
芳潤至今猶存茲取先朝褒封太夫人綸誥中語以扁
堂額豈但承天之寵昭示子孫而已亦使觀者知非此
母不生此子有此舅則有此甥豈不信歟為外氏成宅
相此先志也今其在雲巖乎其勉諸

保安青詞

應與蘭之夢祇荷洪休修薦藻之儀敬陳丹悃爰念衰
遲之跡已非孳息之時偶爾添丁居然似已初常祈於
保佑今敢廢於答償伏望真慈俯垂洞鑒以嗣以續聿
承奕世之傳無害無菑俾有成人之望

宣閩保邊青詞

分職坤維適屆西風之候祈恩乾造乘寬北土之虞敢
瀝精忱上於穹鑒伏念臣驅馳浸老藩翰洊膺揆以人

謀何取護師之略數有天幸每逃司敗之刑竭來已渝
修近期歲念蜀民之良苦何兵難之久罹非蒼靈回悔
禍之心則赤子無息肩之日懇祈寸臆對越咫尺威涉秋
九旬沆銷兵燿環益四履遂畢農功用穀旦之載涓肅
齋壇而昭報伏願惟皇上帝矜恤下民開福耀之臨寅
應佛狸之斃卯冬寒地淨無關塞之驚塵山峙川流轉
岷峨之生意

黃籙心詞

丙辰正月重慶間治建

坤維多難備藩翰以護師乾造至仁為生靈而請命敢
拔幽於已往用祈福於方來上對蒼旻敬披丹素伏念
臣猥共武服適值時艱數十郡之瘡痍塗炭已極一二
年之經理餘燼僅收奈外患之未除幾蜀危之益甚兵
之臨敵陷陣傷哉死節之寃民焉喪家殺身抱此無辜
之痛積茲怨戾尚爾蓄氛致兵戈敢肆於交侵而遠近
愈加於薦食一冬盤薄四境繹騷我農方當東作之期
彼寇尚遲北遁之計顧茲分閩於此同舟非告之皇穹

開悔禍之機則嗟彼赤子無回生之日吉蠲公宇爰啟
齋壇依坎離薦度之科拯師旅喪亡之魄以禳禍厄以
保封疆以祈年穀之豐以希世運之泰念春秋之法元
帥當責寧止以譴加臣某之身而大易之師長子宜專
願早以權畀臣澤之手昭昭洞鑒懔懔弗欺伏願上
帝之好生俯恤下民而赦罪眷三卯以來英靈之幾滅
俾五福所照證應之不虛宇宙清夷邦家寧敎自今有
歲併消劍棧之驚塵與物為春盡復岷峨之生意

出蜀歸里青詞

八年戎役嘗為家國以懇祈萬里生還盡出乾坤之覆
護敢摠情愫仰扣穹蒼伏念臣猥以庸才誤膺繁使疆
場殺人之事此豈願為朝廷謀帥之行靡容控避越由
己酉迄至丙辰自度嶺以來荆繼沂峽而入蜀履危陷
險帝每付於鴻毛出死入生身幾瀕於虎口上恩至渥
末路僅全將百指以來歸喜一屨之無恙秋毫以上造
物賜之慨思駕乘之始征冀保蝸廬之後顧頃冬春之

在戍寇南北之交侵幹腹證深扼吭憂急存為民而請
命卒卻敵以全城積此衷忱憊然効命茲甫暑途之弛
擔亟投真館以建壇爰演冲科用酬夙禱伏願慈光下
燭精禋上通朝野升平千里豐登而相慶田園閑暇一
門老稚之安居

保祐先廬青詞

度嶺去家夙伸徽福歸田請老幸獲遂初敬跼蹐以紓
誠冀穹窿之垂鑒伏念臣遭時簡拔薦職蕃宣昔受任

於南中當俶裝而西上問征夫以前路寧免顧於田園
有先人之敝廬猶過虞於風雨嘗陳丹悃仰扣洪仁周
旋萬里以還翕忽八年之久戶庭無咎松菊猶存悉由
大造之保全敢演真科而昭報伏願慈光下燭精禋上
通樂餘日於山林克世俾亨於兒輩服故疇之畎畝閭
門均戴於君恩

長沙到官青詞

奉上指以於蕃屬當遠役祈天休而昭格允契夙心仰

企高明敢陳懇欵伏念臣年登六袞身老三邊出峽歸
田甫幸寬閑之適浮湘分閫大非衰朽之宜靡容累疏
之循牆勉挈一家而就道水程數千里有風濤洶湧之
驚暑塗六七程正霧潦鬱蒸之際穹窿所覆老稚無虞
凡一飲啄知造物之歸敢三熏沐修齋壇之報伏願慈
光下燭精禋上通四境之內相安俾無曠戾一門之中
無事感遂康寧

長沙保境青詞

敵侵王略上關宗國之憂臣職帥連外有封疆之責扣
蒼靈而請命為赤子以祈哀欽惟上天下地之聲分即
有內夏外夷之為限朔漠引弓之俗絕虎穹廬炎陬衣
卉之民深居蠻嶠馬牛風無南海之及牂牁道豈中國
之通孰謂窮荒崛起之獫狁迺致種類盡為之蠶食生
民之肝腦塗地中原之骸骨成坵天理果何兵翫極矣
獨存大易碩果之生意賴有正統奕葉之至仁然首尾
幾三十年與之對壘凡大小知幾百戰幸以保邊詎期

長江大河不能阻其來出於深溝高壘所素備之外狼
貪不已狙伺其傍一則由白錦堡而薄辰酉五溪之隅
一則取點蒼山而瞰左右兩江之境致宵衣之軫慮動
縻緯之過憂類幾薪卧而火未然大懼川決而土莫塞
乃若湖湘之九郡介于荆嶺之兩鄰唇齒恃以相依腹
背凜乎交迫民於金革有戴白以弗知吏執檄書類倉
皇而相視事實關於諸夏計不止於一方非告於天其
孰為地臣本無材略屢任蕃宣栖然老境之已衰汎此

虛舟而曷濟身焉家焉何恤國爾民爾是憂用涓陽剛
新復之辰爰即嶽鎮所臨之地肅陳淨供祇奉高真伏
願鑒皇天佑宋之心消強敵構兵之禍驅羶聚於西北
挾旗蓋於東南山川鬼神罔有弗寧城郭人民相安無
事戢兇焰於昂街旄頭之次俾革戎心垂慈光於星犯
鷓尾之墟以全民命

南嶽疏詞

邊疆啟釁職封守以懷憂上帝好生藉嶽靈而請命敢

殫愚悃仰扣睿聰竊惟西北沙漠之遠區本與東南炎
陬而異壤噬吞彼類肆狼吻以無厭批擣吾虛幾鯨牙
之浸迫荆則沅靖五溪之洶洶嶺焉邕宜諸徼之搖搖
眷爾三湘介於兩境所恃隄防之常密祇虞蹊徑之旁
多事或弗虞民將焉避豈惟封疆城郭何以保之抑恐
山川鬼神不得寧矣某三邊徧歷再牧奚堪以衰老何
能為役之人來空虛素不為備之地哀民生之危急猶
視溺焚懼國步之艱難不忘寢食用蠲長至爰演冲科

固知螻蟻不足以動天然念駟駘豈容於道道敢賴
岫嶺名山尅勝之力以軀軀昧羣醜浸淫之姦瘴烟
限之敵星隕矣伏願南嶽聖帝下矜赤子上告皇天
扶火德於王家消金精之兵氣毋使中國剝食之禍
至於終窮永保南方離明之鄉了無厄難以全民命
以釋主憂

靜江酬醮青詞

以心事帝嘗兩瀝於精誠自身及家俱一蒙於覆護敢

彈懇欵仰答高明伏念臣屢任藩方已盈分量比在湘
而嬰疾踰旬未瘳維來嶺以問征幾月於役懼星限衝
交之不利慮煙嵐蒙犯之多虞六十歲之衰頹豈堪莅
苒數百指之良賤同陟崎嶇賴大造之曲全矜微生之
備至一行平善四體痊安用蠲日以齋羞爰對天而報
謝伏願衆真降鑒列聖垂慈軍民五嶺之相孚時康歲
稔老幼一門之無事職稱人安

靜江祈雨青詞

一歲事在春迺田疇之未闢十日期為雨憑香火以載
祈敢瀝丹忱仰干洪造伏念嶺表地磽而民瘠常須天
工序協以穀登茲由去歲之秋冬已苦一方之旱曠陂
瀦告涸土脈欲枯粒價為之騰翔冠盜因而滋熾調丁
久役豈堪千里之阻饑解甲無期胡可一朝而乏食嗟
民瘼弗瘳甚矣非穹靈哀救奈何臣奉命南來值時東
作纔一更於藟莢無以致和雖三洒於天瓢僅堪潤物
農種未能入土人情尚切望雲豈政弗修歟帝降災而

示謹然吏之罪也民失業以何辜用公宇之吉蠲建齋壇而籲告伏願慈光下燭精禋上通既渥既優大沛山川之甘霖是撫是綦沆臻郡國之豐年

南邊保安青詞

戊午

地雄中夏遠人敢啟於圖南天佑下民疆吏已毆而遁北敬陳衷慄仰答穹蒼伏念臣投老孤蹤叨恩再牧三邊屢試既馬力之殫窮五筦重來值兵戎之突入邊壘多瑕而弗密溪徭助虐以相挺猶孟蛇疑影而真證遂

形類穴蟻穿隄而旁蹊莫遏穹廬至此載藉無之使敵
謀果逞長驅則人類不幾絕滅凜然夕惕慮此冬防嘗
於羽書星火之中薦致藥笈露香之禱雖七旬之逆命
弗格頗費應酬而五日之吉語屢聞幸無疎曠嶺海獲
紓於兵禍廟朝遂釋於顧憂夫豈人謀皆由帝力茲吉
蠲於公宇爰肅建於齋壇以報洪休以祈終覆伏願慈
光下燭精稔上通使百年敵運之早衰而一脈生意之
弗絕南北天萬里限之瘴霧以莫侵左右江一方永矣

邊塵之不到

靜江保境青詞 已未

敵窺中土輒擁泉以肆侵帝佑南邦幸與民而共守敢
伸衷慄上答穹蒼伏念臣已迫衰年何堪煩使重來嶺
嶠自知武備之素虛環顧封疆每慮敵情之叵測不謂
未及秋而遣戍乃聞當盛夏以興戎彼以二十年侵幹
之謀突然深入此乃三百載承平之地駭若共虞方醜
類之憑陵屹孤城之危急投忱以請固圉是圖果蒙兩

儀覆載之恩沆保一郡生靈之命祇憂大勢浸向中州
郊畿未免於震驚人類恐為之殘滅王事孔棘猶心腹
之毒曷除臣心如焚嗟手足之捍無及不有天也其如
國何朝夕皇皇中外凜凜用吉蠲而三肅因報謝以再
祈伏願聞悔禍之機紓翫兵之患哀憐赤子掃殄妖氛
宗社奠安王國免罹於多難邊陲寧謐民編咸遂於攸
居

又

天限方隅世豈容於錯亂地瀕嶺海時適際於搶攘敬
布微衷仰干穹造伏念臣本無材智游玷藩宣三邊霜
雪之徧更粗逃瘵曠十載煙嵐之重入迺值繹騷自西
南有幹腹之傳而中外共寒心之懼不虞此禍倏在今
秋彼避實將以擊虛我以寡不能敵衆藩籬一決蹊徑
四通兩旬在桂而孤壘幾若釜魚三月於湘而支郡危
於几肉生靈塗炭宗國綴旒上貽吾君宵旰之憂曷遑元
帥春秋之責爰為民而請命嘗願帝以祈哀茲聞敵人

困斃之有期庶使中土還安之可望用蠲穀旦載演真
科伏願大德好生慈光解厄月星明皎清四塞之妖氛
疆場救寧安庶邦之生聚

子被凶人誣告蒙恩免遠役謝醮

年運多屯貽憂子舍交遊非類幾禍家門方茹苦於窮
冬惟祈哀於上帝茲伸報謝爰瀝悃忱伏念臣不善知
人積恩成怨義方教子惟忠孝之相傳世祿承家豈禮
法之敢越不謂虎狼之反噬輒誣豚犬以狂言殆欲禍

李靖之家遂致興鄒陽之獄聞者咋舌而縮頸為之駭
然顧非病風而喪心安得有此雖縲綬之中自知非罪
奈箠楚之下其患無辭一朝被逮以難明九地含冤而
曷訴所賴三辰在上實昭鑒之兩造居前不難見者用
叩高高之聽載陳懇懇之私舐犢關心有甚肌膚之痛
放麋徵福不勝骨肉之情果蒙公朝曲軫於危悰遂使
小子獲逃於大惡免煙嵐之投畀見日月之開明君乃
天也豈敢怨乎彼何人斯告者過矣敬涓穀旦用衍冲

科以疇造化之保全以冀幽冥之顯應伏願衆真降鑒
列聖垂慈昭天理是非之公示人間善惡之報戶庭安
靜合門盡釋於災殃朝野清明舉世永無於冤枉

黃錄心詞

辛酉二月家庭建

伏以分閩南中適逢兵難投誠東極幸有仙科敢叩蒼
靈用疇素願伏念臣老仍戍嶺職在守邊不圖陰山堀
起之遠人乃犯炎嶠遐陬之封境自戊午而越己庚之
歲時跨三年由湘嶺而至江湖之郊禍延數郡四野農

民之殞命三軍將士之捐軀耿耿忠魂沉沉冥路非藉
慈悲之哀念曷由幽爽之超升用蠲穀旦之良爰謹齋
壇之建伏願三辰昭鑒萬聖來臨按琅函藥笈之儀下
風馬雲車之馭憫衆生之遭害不幸淪亡廣大德之好
生悉垂救拔

第一日

伏以孚佑於下民方謹三天之扣齋戒事上帝肇修五
日之朝敢瀝丹衷仰干洪造伏念臣已臨衰暮再入煙

嵐幾年為軫腹之謀彼謀甚狡一旦類攻心之急我備
則單至長蛇封豕之肆侵幾聚蟻屯蜂之莫抗遂挺大
變寢迫中州不能千里以折衝以致四郊之多壘兵之
被堅執銳視死如歸民焉托處聚廬無生之氣野多露
齒草莫裊屍皆於王事以能忠寧免天年之未盡乃若
並邊民庶有位王官或遭難以殞軀或忘家而徇國或
斃於擄掠或困於饑寒傷殘之餘疫癘尤苦往往皆當
於劫數紛紛莫記於姓名今世受前世因固非偶爾新

鬼寃舊鬼哭豈不痛乎載惟二三載之間如彼十數州之境慘哉殺戮良可憫傷將令脫黃壤之冥途令獲指朱陵之生路凡淪亡於師旅盡煉度於坎離同一超昇脫諸苦惱用拔幽於已往以祈佑於方來素願載酬洪休允格伏願軫念元元之苦廣開生生之門救諸邊忠義之寃人天隨度錫四海和平之福中外莫安

第二日

伏以執戈而衛社稷莫遏寇攘聽磬而思封疆方修薦

拔禮陳再日響應九天惟邊人遭厄會以何辜賴道教
有冲科之可救一披秘錄盡度忠寃下方之殺氣漸清
斷無幽滯中國之太平可冀爰致清寧

第三日

伏以九天在上正資生神九卷之功三日於茲爰舉朝
禮三時之典於昭明鑒用憫忠寃師旅之喪亂孔多乾
坤之化生有造敬憑大道式慰重泉念咎則在躬實負
幽冥之責凡死而非命悉歸超度之仁

第四日

伏以自古有死痛兵劫之非常大德曰生伏仙科而普薦朝儀肆藏慈鑿載臨惟遊魂雖歿而有知想生氣至今而猶在爰披寶籙悉拔泉扃帝用哀矜垂光明而下濟鬼無新故超苦厄以冥昇

第五日

伏以被兵厄會普禱九鍊之功籲帝畢朝恭瀝五中之悃禮煩是懼心惻實深凡適境惟肝腦塗地之殃皆闡

臣乏精神折衝之略凜難贖罪敢接拔幽影響之應形
聲感通甚邇變化各正性命幽枉咸亨

散壇

伏以被兵霑恩脫沉淪之苦惱齋壇竣事告功果之圓
成爰謹修辭聿嚴終禮念兵禍殺傷之最慘賴仙科救
度以為先開乾坤艮巽之門舉入化生之造凡湘廣江
湖之地盡收忠義之蒐出之重泉黑壤之途鍊以東井
黃華之水咸洗寃而拔滯各隨願以往生妙播氣形應

猶影響人天讚嘆悉歸上帝之仁華夏清夷庶畢微臣之願

謝醮

伏以中華值厄至兵難之憑陵上帝好生演仙科而拯
拔敬殫衷素仰瀆穹蒼伏念臣頃帥南方適當北兵不
能式過於藩籬之外致令浸延於堂奧之間戎馬倥偬
之實繁魚肉生靈而甚慘兵連三歲害及數州念忠臣
義士之何辜或良將勁兵而不免雖服於王事凜生氣

之猶存而責在閭臣嗟罪戾之奚贖茲伏黃壇之薦度
用超黑簿之沉淪秘錄一披夙寃盡釋賴青華之布德
起白骨以成人悉招楚些之冤免作夏畦之鬼凡爾封
疆臣之橫死皆隨人天道以往生實為無邊無量之陰
功敢昧不識不知之帝力爰陳菲供用答洪恩伏願精
禋上通慈光下燭魔王束手三邊永絕於驚塵赤子息
肩四海同躋於壽域

潭州諭俗文

當使備吏閫藩所至留意圜圖居常措慮惟恐殺人然
人情孰不欲好生而天理又不可縱惡每於議獄但務
平心今者來守是邦僅及踰月而死事之獄憲司帥司
已斷者三十七項左右州三獄新收一十三項通舊禁
共四十一項十二縣見禁未解者又五十三項何其徒
若是實繁哉唐貞觀開元間天下歲斷死罪或二十八
人或二十九人潭在是時寧有是事雖云地大物衆治
久俗流強暴相陵所在能免寧不累國家欽恤之仁重

當路哀矜之嘆哉當使每閱案牘中間或因盜貨財爭
田產兆禍於幃薄啟釁於杯酒或本無深隙拳手遽交
小有間言挺刃相向而至有親戚變仇讎卑幼犯尊長
率以一朝之忿陷在三尺之科迨至捕繫到官驗究依
法縣官高下其手出入惟心或以杖刑而決死罪未免
官無以止殺民為之輕生習使之然良可歎者深惟民
受天地之中以生同為良民同稟善性况當聖明之世
而在文物之邦人而依本分保天年從幼至老仰事俯

育豈不遂生生之樂何苦受冤冤之報一或事於人命
身非我有貽憂親屬連累鄰里以至受桎梏被箠楚或
淹延連歲或拘繫數月大者誅戮小亦黥流有身首不
得全雖骨肉不得保或者罪不至於死而瘦死破家蕩
產別井離鄉當是之時雖悔何及向使於非意相干之
際持觸來勿競之心勝於不爭犯而弗校安得至此境
界哉今當使深惻於心徧諭爾俗雖言語未必可以動
汝聽然道理亦未嘗遠於人當思膚體所受不敢毀傷

血氣之剛戒之在鬪人身難得官法難欺自今行衆善
毋作諸惡思百勝不如一忍父教子兄詔弟閭里胥訓
胥告興讓與仁優哉游哉于以卒歲毋為渤海帶刀之
俗使有潁川無囚之風茲用不犯于有司則官與民俱
為幸甚故茲勸諭各仰知悉

靜江勸農

己未

八桂古樂土也守十年之前嘗勸相爾農於郊奉命再
來所當布宣明天子德意以惠爾百姓而守自承乏以

來起調浹築以勞爾農分糴轉餉以耗爾農戍兵經行
頓宿以病爾農拘確官屯糾集民丁以煩擾爾農軍需
科買竹木採斫又未免資爾農其視向來牧養之政幾
愧見顏面然今日之事非昔比也敵人二十年謀幹腹
干戈烽燧之警茲駸駸迫我去冬勤將士戰禦於邊首
尾三月而寇始退倖酋來解爾父老目擊之向之疑者
今信矣守創建閫制專職兵事凡前之所以勞爾耗爾
病爾煩擾爾資爾者皆無非為衛爾民計封疆城郭之

責實關係於是守豈得已乎非可已而不已也軍用有不給守寧捐已帑以增助民力有弗逮守亟減歲租以示恤自兵事之外守固不敢一毫復重為爾民害亦期於相與保固相與安集邊鄙不聳則稽人可以成功爾入春甘雨應期土脈膏動於耜者將舉荷鋤者已歸盡力於備禦之畫者守與將帥職之盡力於耕墾則爾父老率爾子弟事也荒萊當闢陂堰當蓄器具當修糧種當備爾父老固不待勸古稱三農生九穀又稱其始播

百穀蓋非止水田禾稼之利而已如菽麥黍粟之類皆足以果吾腹嶺外平原彌望茅葦叢生是豈地利有不
至哉此人力弗至也頃者黃榜頒降民能用工荒田許
以未取官賦惠至渥也強國之本曰戰與耕糴有素儲
差不敢動官民之相資在此爾父老歸而閭里更相告
語當盡心乃事以逌續有歲毋計口而耕以怠墮失時
出作入息之相安仰事俯育之得所願自今戴白而不
見兵革以符爾東城癸水之讖則守前之所為者雖土

苴亦爾父老一勞永逸之計也守老矣亦既豈久於此
空臆以為爾父老告其毋忽

靜江府勸農

庚申

太守再牧是邦於今二年去春登進父老當勉以服田
力穡矣方幸三時不害一稔可書不謂狡敵久謀幹腹
當暑而興師甫秋而入寇犯我井邑妨我農功太守非
不率將士勦遏屢捷而彼衆我寡僅保城壁不武忱有
愧矣今此甘雨應時土膏脈動東作又在候復延見爾

農其何辭以勸相漢人有言守邊有塞勸農力本當世
急務夫守邊而與勸農並言蓋以食者民之天非食無
以為命金城湯池非粟不守雖在邊徼不可一日廢耕
也今夫荆淮之地與敵為鄰哨騎旦暮可至民生其間
從事本業雖有司秋冬清野而春耕夏耨仰事俯育寇
入即避寇退則返則或依山水之險以為寨柵資糧牛
畜預挈其中緩急相應守望相助往往足以自保亦足
以拒敵邊農習於聞見固不以寇為憚亦未嘗乘時為

盜也爾桂素樂土爾農戴白不知兵革自敵狙伺我土
前此蓋未之信一旦突如其來遭蹂躪被殺鹵凡戎馬
所經地生理為之蕭然亦可憫矣敵寇纔過土賊復興
掠人資財殺人骨肉民之惟難甚於敵太守為之哀矜
怵惕蠲減爾稅賦殲夷彼兇渠期與爾民還定安集今
再舉力耕二字為爾勸昔雁門極北邊也李牧守之匈
奴入急收保市租皆輸幕府為士卒費農耕官租如故
也諸葛亮屯於渭濱耕者雜之張全義守河南披荆棘

勸耕殖皆無非以農事為急者爾父老歸而告謂爾子
弟勸率爾保伍有警則荷戈以備無事則負耒以耕常
持戒心毋作怠念是穡是蓂早種早收勿以荒蕪墮墜
闕勿以強衆相陵暴國家深仁厚澤滲漉人心足以祈
永休命敵兵奔竄江滸天寶亡之槃槃桂林會將復還
承平舊觀太守老矣已投劾於朝行且去爾父老聽予
言毋忽

逐蚤吟

病中作

小物亦氣化炎天以濕生身眇於芥啄利於鍼蝨其形
軀而豺其心不能飲風吸露以自為養惟務吮人肌血
以肥其身入人寢處間三三五五至十數幾以類聚而
羣分或入孫洪之被不畏其貴官或入阮籍之禪不恤
其高吟一味鑽刺味其腴而需其真令人經宵展轉而
睫不交暗中摸索而手不停一經殘毀痒隱隱而作疹
多留餘跡文點點而成頰為之爬沙不得息奈彼跳躍
難為擒此其饕虐害尤甚勿以么麼而忽之輕因思天

地間人為萬物靈胡然生此乃爾不仁世間至毒莫如蛇至猛莫如虎蛇猶可捕虎猶可馴伊彼十數蟲豈聽其憑陵呼奴婢命驅逐各以其策而前陳手攜挑笙筦席曝之以烈日併取汗衣敗被濯之以清泠蘭湯以三沐沉水以三熏既令一榻以潔掃毋許此類以縱橫於是大蒐以窮其黨散捕以除其根取而置指甲一指正典刑或付之烘炙剝然而有聲殆同商君毒流裂秦市鄴生口禍遭齊烹類同蟻蝨聚而競爭食幾與蚊蝱寇

交相營驅除一日併淨盡八尺之寢頓猶綠林盜去民
無驚今宵庶可莫吾枕鼻息可使為雷鳴泰然得以安
維摩之室遽然從之為華胥之民

桂閩文武賓校戰守題名記

寶祐戊午朝廷合二廣勦制閩命某再牧防南鄙也尋
調建康都統制朱廣用領軍來戍於是諸道戍兵並
委之總統相與修浚城池為保固計是秋敵犯邕境賴
我師遏之不致深入明年開慶己未築鑿甫浚邊遽已

動七月敵渡烏泥江八月犯橫山九月二十二日薄我城下韋壁壘具將士用命一鼓而殪敵前鋒遂引退若於數十里外我師晝夜攻劫大小十餘捷敵氣頓沮相持兩旬由間道而相亟遣兵追襲一捷於黃沙翦其渠魁俘獲甚衆再捷於衡山勦殺幾盡敵不克逞以循陰山極北之寇犯炎方宅南之境狙伺二十年馳騫數萬里擁衆驅蠻而入乃載籍所未有向非桂砮柱其衝師武臣力敵王所愾廣南亦岌岌甚矣此皆宗祖威靈天

人佑助億萬載無疆之福也茲制閩結局都統制且撤
戍以歸礮石請記文武賓校氏名載念遠人啟繫非山
變也連年得以固我封守吾民幸免於難誠同舟共濟
者之力矧蒙烟瘴犯霜露備極勞苦是不可不紀以示
永久非事誇詡也提刑提舉兼叅謀四明豐蒞制機左
錦文可則眉山家遇河內李曾修制議永嘉鄒琳制幹
清湘管安昌襄陽李湜盱江聶世堅合沙卓右龍制僉
長沙凌炳炎來江陳彌壽括蒼張建大濟南楊涇九江

劉烈清湘趙倫夫廬陵朱埴會稽陳策制帳都統制長
沙朱渙總管峴山彭興浮光余夢發都梁丘政浮光朱
大德壽陽王勝金陵王達金陵陳邦傑浮光張璿鈴路
統制合肥程俊泗川周旺都梁李慶山陽楊俊浮光周
勝海陵戴俊戎司屬官浮光吳起宗清源羅萬敵古雲
鄭祥

識巖壑舊隱

人因地而名地以人而重方其視或易然逮其久也士

君子始企慕之前賢流芳可挹山不在高也是山是亭
在今為希真先生甘棠地不盈數丈一丘一壑具體而
微後六十餘禩歸於我因其故略為之封植其壤補苴
其漏一毫弗加以飾志存古也惟先生以此客寓是邦
脫屣軒冕蕭然如遺世獨立洛川巖壑皆其舊隱今洛
川不得而見矣獨若壑僅存其風流篤厚文章芳潤散
在木石間彷彿尚可想見邦之故老至今相指示猶曰
此朱公巖壑也是詎非達人令聞足以壽其傳歟抑呵

護有靈若將有所待歟又否則以其儉小見擯於時俗
繇是得不毀歟不然亦為墟矣傳曰雖無老成人猶有
典型於是山有焉吾從生世後不得從公於樵歌間然
高山仰止神交心會對此足以使人盡釋鄙吝二三子
敬之勿壞淳祐丁未孟冬

識夕秀

余以幽棲多暇謾累土為臺里閑中有以山石售者有
輟患者有以無用棄者自一拳之積加數篲之工因成

小堆草焉命亭其上自春徂夏始就緒一日暑雨初霽
夕陽未沉攜子姪烹茶剖瓜相與登眺挹嵐光於天際
送帆影於木末平蕪香靄擺種彌望烟鴉霞鷺去來上
下盡吾目之到足與心會不但對碧宮紅塔相應接於
風簷間而已林薄雖小不足名山鶴鷓得之信有餘地
因詩以志之云本因累土作層臺巧匠俄為小阜堆碧
落界邊將塔對蒼蕪處斷送山來狀成一段林巒勝欠
得幾株松桂栽夕照未沉明月上倚欄正爾可徘徊戊


申七月旦日

以佛牙付福巖奉安公安二聖寺跋

余帥淮東日有北人刺史楚珩再自符離來歸到維揚
參闡以佛牙一株上有舍利三十六箇為獻曰此是汴
京舊宮禁中物裹以盤龍綉帕余却而不受珩曰此又
非寶貨何敢傷公之庶母惜受之供養作福於是勉而
受之乃淳祐三年八月也繼自丙午歸里一向奉之佛
堂迨過長沙奉之道院觀世音之前今首尾二十年矣

每惟釋氏靈牙不知歷幾百載經幾劫火至今不壞此
殆非私家所藏之物宜歸之大道場去處俾奉香火以
福蒼生適公安住持福巖禪師自荆襄來訪謹奉之以
為公安二聖大如來禪刹之獻其永鎮上流保祐斯世
為吾君千萬歲之壽為四海生靈無窮之福楚珩元狀
同往庶知其自來惟福巖禪師作此證明永留此寺勿
示非人毋使韓昌黎陳文惠得以議其後云景定辛酉

七月七日



可齋續葉後卷十二